

Gvangjsih Minzcuz Bau

ganbhau: CN45-0036 B.2015 Nd.6 Ng.17 liggaueq ietfeih nienz ndwenngux congeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3178期

Siengcouh Yen Hawj Sawcuengh Vahcuengh Yungh Ndaej Lai Ndei

象州县推动壮语文社会应用颇有成效

Gaenh bi daeuj, Siengcouh Yen nyinhcaen hengz gij cwngeuz vah saw minzcuz, gyarengz hawj Sawcuengh Vahcuengh ndaej senhconz doigvangq, sawjyungh ndaej lai gvangq lai hoengh.

Gya' gvangq gizdieg yungh Sawcuengh. Youq seiz hai hoih, gvaq ngoenzciet, banh hozdung gvendaengz hong minzcuz, vah saw minzcuz, cungj aeu Sawcuengh daeuj sij byauhyij, fukvang, gyauej banjbau, daezmoeg senhconz swliu, hix sij coq minzcuz doxgiet gyauyuz canjdingh, baiz minzcuz doxgiet sifan daengj, hawj Sawcuengh ndaej senhconz nem doigvangq.

Hai nem book lanzmuz gvangjbo Vahcuengh. Daj bi' gvaq 5 nyied daeuj, aen yienh neix youq gvangjbo

dendaiz hai song aen lanzmuz Vahcuengh, baugvat "Sinhvwnz Siengcouh" nem "Cwngefaz Siengcouh", moix ngoenz bo sam baez, bo 40 faencung.

Guh Cuengh Gun song saw vah gyauyuz. Aen yienh neix 2012 nienz haggeiz seizcou hainduj youq Daloz Cunghsinhyau guh Cuengh Gun song saw vah sonhag saedniemh, dangqnaj aen hagdangz neix miz 2 aen Vahcuengh yibeibanh, it, ngeih nienzgaep miz 6 aen ban Cuengh Gun song saw vah sonhag saedniemh, moix singgeiz hwnj 10 dangz Vahcuengh Sawcuengh, miz 260 boux hagseng hag Vahcuengh Sawcuengh.

Gyalai venj baiz Cuengh Gun song saw. Aen yienh neix aeu ndaw yienh dangjcwng gihgvanh, swyez

danhvei venj baiz Cuengh Gun song saw, caemhcai q iugouz sij cinjdeng, baenzlawz nda saw, venjhwnj, coq dieg hix aeu hab gvidingh. Dangqnaj, ndaw yienh dingz lai gihgvanh, swyez danhvei nem mizmbangj hingz-cwngcunh venj miz baiz Cuengh Gun song saw.

Swnjcienz nem hwngfat vwnzva Fwencuengh. Aen yienh neix youq Majbingz Yangh laeb Fwencuengh swnjcienz gihdi, doenggvaq banh Fwencuengh gohvei, Fwencuengh doxdax, banh canghfwen beiz-yinbanh, Fwencuengh haeuj hag-dangz daengj hozdung, haengguh hong henhoh, swnjcienz, hwngfat Fwencuengh aen binjbaiz vwnzva minzcuz neix.

(Veiz Veimingz/韦卫明)

SIUSIK DINJ

简讯

● 6 nyied 13 hauh, youq Gvangjsih Minzcuz Bozvuz-gvanj, aen cujhoz heuhguh Beixnuengx Yah Cujhoz (ndaej ndawbiengz heuh baenz Gvangjsih minzgoh cienzbo dasij) yienj le ciengz yenj-cangvei ciengq go Boux-cuengh bonjmiz, neix hawj bouxyawj yawj ndaej gvaqyinx, dingq ndaej sim' angq dangq-maz bae.

(Lij li)

● 6 nyied 10 hauh, Denz-yangz Yen Yinzgouj Giswnghgiz daegdaengq comz 2.3 fanh maenz, cawx le buek dinfaex makgaivaiz ndei ndeu, soengq daengz Yifung Cin Nazgyangh Cunh giz lienzhaeh bangzfuz, mienxfei q hawj mbangj ranz soujsaenq giswngh gyahdingz, hawj gyoengqde gyalai daj-ndaem faexmak, gyalai souhaeuj.

(Vangz Gzsun)

● 6 nyied 10 hauh, Yungzsuij Myauzcuz Swciyen Hozmuz Cin gawjbanh daih-cibsam gaiq ciethbauqva, ciengj bauqva, diuq fouxyanghguh, fouxlungz, saeceij diuq dongh, caijdiu daengj cezmu z ndeiyawj raixcaix, yinx le haujlai hekyouz daeuj ngonz-yawj.

(Liu Swjyenh)

● Geij ngoenz gonq, Majsanh Yen Lijdangh Yauzcuz Yangh Yajlenz Cunh Mbanj-lungzlauj diuz roen doeng mbanj duenh deihoengq 20 mij raez de doeng ndei lo, neix hawj vunz dangdieg haeujok lai fuengbienh raeuh. Dan yungh sam ndwen seizgan couh guh baenz lo, duenh deihoengq neix raez 20 mij, gvangq 3.5 mij, sang 4.75 mij, ndaej swnj hawj roen mbanj doeng caez, neix vunzlai haenhndei.

(Yangz Swng)

● Bineix geiqdoh daih'it, Duh'anh Yauzcuz Swciyen swnghdai daegsaek lijyouz souhaeuj 2.29 ik maenz, doengzbeij gyalai 25.7%, hekyouz 23.58 fanh vunzbaez, doengzbeij gyalai 17%, lijyouz vaivei (ngaenz rogguek) souhaeuj 60.4 fanh Meijyenz, doengzbeij gyalai 20.99%, daengx yienh lijyouzyez geiqdoh daih'it couh hoengh lo.

(Lanz Fuzgvanh)

Lozcwngz: Baijyienj "Feihyiz" Hawj Vunzbiengz Lai Rox Swnjcienz



罗城：“非遗” 展演助传承

6 nyied 12 hauh, Lozcwngz Mulaujcuz Swciyen youq minzcuz vwnzva gvangjcaengz gawjbanh feih-vuzciz vwnzva yizcanj baijyienj hozdung, baugvat fouxaemax, dinfwngz daj-siuq Mulaujcuz, yw Mulaujcuz, raed ceij Mulaujcuz nem dinfwngz cauxguh guenq Mulaujcuz daengj, hawj vunz ndawsingz roxyiuj cihsiz henhoh vwnzva yizcanj, sawj vwnzva minzcuz ndaej engq ndei swnjcienz. Ndaw doz dwg youq baijyienj yienh-cienz, dah nyez Mulaujcuz ndeu cingq raed ceij.

(Mungz Cwnghsw/蒙增师 ingj)

Gih Raeuz Bouh Difanghci Giluzben Daih'it Aeu Vahcuengh Gangj De Vunz Yawj Lai

我区首部壮语地方志纪录片收视率高

Geij ngoenz gonq, Dunghlanz Yen guhbaenz le giluzben 《Funghcingz Nem Doenghyienh Dunghlanz》, bouh giluzben neix dwg gih raeuz bouh difanghci giluzben daih'it aeu Vahcuengh gangj. Bouh giluzben neix youz Dunghlanz Yen Minzyijgiz guhdaez, Swegih Minzyijveij, yienh yinzminz cwngfuj doengzcaez ok-

cienz guh.

Bouh giluzben neix youz Dunghlanz Yen gag ingjuh, faen sam aen bouhfaenh, baugvat 《Geiq saeh Damqra Gyong》、《Ra Veiz Bazginz》、《Ging-siengq Dunghlanz》, gungh 6 ciz. Doenghboux fanhoiz nem boiqyaem soucomz haujlai sawloih Vahcuengh, aeu Vahcuengh daeuj gejdooeg gij

sawloih moq, neix couh guh baenz le gih raeuz bouh difanghci giluzben daih'it aeu Vahcuengh gangj neix.

Ciuq cam rox, daj 《Funghcingz Nem Doenghyienh Dunghlanz》 youq Dunghlanz Yen Densidaiz sawq bo daengz 6 nyied co, gaeng miz 3.5 fanh vunzbaez souyawj bouh giluzben neix.

(Veiz Vanjshw/韦婉姿)